


Tajuk : Sambutan Aidilfitri 'Malaysia Raya' Unimas Meriah.

MUKA 26 • UTUSAN MALAYSIA

04.09.2013 RABU



Hello Kampus

SABAH & SARAWAK

Sambutan Aidilfitri 'Malaysia Raya' Unimas meriah

KOTA SAMARAHAN 3 Sept. - Majlis rumah terbuka sempena sambutan Aidilfitri 'Malaysia Raya' anjuran Universiti Malaysia Sarawak (Unimas) baru-baru ini berlangsung dalam suasana meriah.

Perasmian majlis yang julung-julung kali diadakan di Detar Putra kampus tersebut di sini, disempurnakan oleh Naib Canselor Unimas, Prof. Datuk Dr. Mohamad Kadim Suaidi.

Yang turut hadir, Pengerusi Lembaga Pengarah Unimas, Datuk Dr. Hatta Solhi, pihak pengurusan universiti, warga kampus serta pengamal media.

Sementara itu, Mohamad Kadim dalam ucapannya berkata, majlis tersebut merupakan tradisi tahunan yang diadakan bagi membolehkan warga Unimas meraikan Hari Raya Aidilfitri bersama-sama.

"Konsep sambutan tahun ini menampilkan kelainan apabila meng-

Saya berharap perhimpunan sebagai satu keluarga besar ini dapat mencapai matlamat tersebut dan dalam masa sama dapat memupuk semangat patriotik dalam kalangan warga universiti

DR. MOHAMAD KADIM SUAIDI
Naib Canselor Unimas

gunakan tema 'Malaysia Raya' iaitu sempena sambutan Hari Kemerdekaan Ke-56 negara.

"Lebih istimewa, tema ini juga dipilih bagi meraikan sambutan 50 tahun Sarawak merdeka dalam Malaysia," katanya.

Mohamad Kadim menambah, program sambutan seperti rumah terbuka itu merupakan medium penting bagi membina keakraban serta hubungan mesra semua pihak.

"Saya berharap perhimpunan se-

bagai satu keluarga besar ini dapat mencapai matlamat tersebut dan dalam masa sama dapat memupuk semangat patriotik dalam kalangan warga universiti," katanya.

Dalam majlis itu, sebanyak 19 buah gerai mewakili kesemua negeri di Malaysia didirikan gabungan fakulti, institut dan jabatan di bawah Unimas.

Gabungan tersebut kemudiannya bersaing sesama sendiri menghias gerai masing-masing mengikut budaya negeri yang mereka wakili.



MOHAMAD Kadim Suaidi (kanan) dan Hatta Solhi (dua dari kanan) memotong kek ketika menghadiri Majlis Sambutan Aidilfitri 'Malaysia Raya' Unimas di Kota Samarahan, Sarawak, baru-baru ini.